

Till Finlands författningssamling nr 235/2016
(Lag om statens skogsbruksaktiebolag)

Tilläggas de samiska översättningarna:

Láhka

stáhta vuovdedoallooasussearvvis

Riikkabeivviid mearrádusa mielde mearriduvvo:

1 §

Vuodđudanvuloš oasussearvi

Meahciráddehusa vuovdedoallofitnodatdoaimba sirdojuvvo vuodđudanvuloš oasussearvá. Meahciráddehus merke oasussearvvi vuodđudettiin buot ossosiiddis stáhta lohku ja fuolaha oasussearvvi registreren dihte dárbbášlaš doaimbajui. Oasussearvvi ja oasussearveortnega nuppástusa ii oaččo almmuhit registrerenláhkai, jos Eana- ja meahccedoalloministeriija ii leat bealistic dohkkehan oasussearveortnega dahje dan nuppástusa.

Oasussearvvi doaimasuorgin lea bargat vuovdedoaluin oktovoigatvuodain stáhtaeatnamiin ja doaimmahit muorramateriála áššehasaide. Vuovdedoaluin barggadettiin oasussearvi fuolaha meahciráddehuslága (234/2016) 6 §:s oaivvilduvvon oppalaš servodatlaš ja 7 §:s oaivvilduvvon eará servodatlaš geatnegahttimiid ollašuttimis nu go stáhtaráđđi eana- ja čáhceopmodahkii guoskevaš geavahanvuogitvuoda luohpadettiin ja dan eavttuid dárkkistettiin mearrida.

Oasussearvvi oamasta ollásit stáhta ja dan hálldaša Meahciráddehus.

2 §

Luohpadanfápmudus

Stáhtaráđđi oažžu luohpadit heivvolaš buhtadusa vuostá oasussearvá:

- 1) Meahciráddehusa hálldašepmái čujuhuvvon dahje maŋnelis čujuhit oaivvilduvvon ekonomalaš gánnehangáibádusa vuolláš eana- ja čáhceopmodahkii guoskevaš sirdin-dohkkemeahtun vuogitvuoda bargat vuovdedoaluin;
- 2) Meahciráddehusa vuovdedoallofitnodatdoaimma;
- 3) Meahciráddehusa Vuovdedoallu-boadussuorggis adnojuvvon ávnnasmeahtun vuogitvuodaid ja eará luovosopmodaga.

3 §

Luohpadeami eavttut

Stáhtaráđđi mearrida luohpadanvuloš opmodaga ja dan árvvu sihke eavttuid, maiguin luohpadeapmi dáhpáhuvvá. Stáhtaráđđi mearrida maiddá opmodaga luohpadeapmái ja oasussearvvi čohkkemii guoskevaš eará ordnestallamiin.

Go eana- ja čáhceopmodahkii guoskevaš geavahanvuogitvuodát luohpaduvvojit ja daid eavttut dárkkistuvvojit, de galgá fuolahit das ahte meahciráddehuslága 6 §:s oaivvilduvvon oppalaš servodatlaš ja 7 §:s oaivvilduvvon eará servodatlaš geatnegahttimat ollašuttojit ja Meahciráddehusa dohkkehan luondduriggodagaid geavaheapmái guoskevaš guvllolaš plánat čuvvojuvvojit.

Stáhtaráđđi mearrida, man stuorra oassi opmodagas biddjojuvvo oasussearvái ossosiid vuostá.

4 §

Vuoigatvuohta ovddastit stáhta dihto dáhpáhusain

Oasussearvi doaibmá riikka rájiid siste, gos das lea vuoigatvuohta bargat vuovdedoaluin, ovddastit Meahciráđdehusa ja geavahit stáhtii eanaeaiggádin gullelaš sátneválldi áššis, mii guoská:

- 1) láhkamearrádusaide vuodđduvvi ránnjá dahje ránnjágiddodaga oamasteaddji gullamii;
- 2) eará guovllu go luonddusuodjalanlágas (1096/1996) oaiivilduvvon luonddusuodjalan-guovllu ja dološmuitolágas (295/1963) ráfáidahttinláhkai mearriduvvon dološmuittu suodje-guovllu rádjegeavvamii;
- 3) Meahciráđdehusa vuoigatvuhtii oktasašvuovdelágas (109/2003) oaiivilduvvon osolašgot-ti čoahkkimis;
- 4) Meahciráđdehusa ovddasteapmái oktasašguovvolágas (758/1989) oaiivilduvvon oso-lašgotti, earret sátkku stivrema várás oaiivilduvvon ja oktasaš čáhceguovllu osolašgotti, čoahkkimis;
- 5) Meahciráđdehussii priváhtageaidnolágas (358/1962) oaiivilduvvon geaidnoosolažžan.

Oasussearvi doaibmá riikka rájiid siste, gos das lea vuoigatvuohta bargat vuovdedoaluin ja vuoigatvuohta Meahciráđdehusa beales miedihit:

- 1) stáhtaeatnamii guoskevaš johtinvuoigatvuođa, jos das ii leat olus mearkkašupmi;
- 2) stáhtaeatnamii guoskevaš gaskaboddosaš geavahanvuoigatvuođa;
- 3) vuoigatvuođa hukset stáhtaeatnamii boazodoaluin bargama várás dárbbaslaš ráhkadusa dahje rusttega ja boazodoallolága (848/1990) 39 §:s oaiivilduvvon rátkingárddi.

5 §

Vahátbuhttenvástu stáhta ovddastettiin

Oasussearvi vástida vahágis, mii lea 4 §:s oaiivilduvvon vuogi mielde stáhta ovddastettiin dahje stáhta sátneválldi geavahettiin fuollameahtunvuodas dagahuvvon stáhtii dahje eará oassebeallái.

6 §

Almmolaš háhkamiidda guoskevaš njuolggadusat

Dat, mii almmolaš háhkamiin addojuvvon lága (348/2007) 6 §:a 1 momeanttas mearriduvvo háhkanovttadagas, heivehuvvo maiddái dán lágas oaiivilduvvon oasussearvái.

Meahciráđdehus ja oasussearvi leaba nubbi nuppi ektui almmolaš háhkamiin addojuvvon lága 12 §:s oaiivilduvvon gaskavuodas. Meahciráđdehus ja oasussearvi sáhttiba oastit njuol-ga nubbi nuppis bálvalusaid.

7 §

Vearuhus

Meahciráđdehusa dienasvearuhusas lohkkovuvvo luohpaduvvon opmodaga vearovuloš luohpadanhaddin opmodaga vearuhusas geahpeduvvon háhkangolu oassi.

Oasussearvvi vearuhusas lohkkovuvvo sirdašuvvan opmodaga geahpedangelbbolaš háhkangollun vástideaddji mearri, mii lea 1 momeantta mielde lohkkovuvvon Meahciráđdehusa vearovuloš luohpadanhaddin. Sirdašuvvan geahpedangelbbolaš eará golut go háhkangolut geahpeduvvojit oasussearvvi vearuhusas seamma vuogi mielde go dat livčče geahpeduvvon Meahciráđdehusa vearuhusas. Sirdašuvvan váriide guoskevaš ealáhusbođuinn addovuvvon lága (360/1968) 5 a §:s oavvilduvvon njulgenearit ja sirdašuvvan doibmii guoskevaš várreemat lohkkovuvvojit oasussearvvi vearuhusas vearovuloš bohtun seamma vuogi mielde go dat livčče lohkkovuvvon bohtun Meahciráđdehusa vearuhusas.

Meahciráđdehusa vearuhusas buhtadussan ožžovuvvon ossosiid geahpedangelbbolaš háhkangollun lohkkovuvvo dat mearri, mii báhcá go sirdovuvvon váriid vearuhusas geahpetkeahtes mearis geahpeduvvo sirdašuvvan velggiid ja várreemiid mearri.

Oasussearvi ii leat geatnegahtton máksit váriidsirdinvearu 2 §:s oavvilduvvon luohpademis vuodđudanvuloš oasussearvvi ossosiid vuostá.

8 §

Vástu čatnasemiin

Oasussearvi vástida dain vealge-, bálvalan-, háhkan- ja doaimmahansoahpamušain ja eará daid láhkásaš čatnasemiin, maidda Meahciráđdehus lea čatnasan ja mađ gusket oasussearvái luohpaduvvon opmodahkii ja dasa sirdašuvvi vuovdedoallofitnodatdoibmii.

Meahciráđdehusa nuppidási vástu vuodđudanvuološ oasussearvái 1 momeantta mielde sirdašuvvi geatnegahttimiin báhcá fápmui, jos vuostebealli ii dohkket vásttuid sirdima oasussearvái. Oasussearvi lea geatnegahtton buhtet Meahciráđdehussii dan, maid Meahciráđdehus lea dán momeantta vuodul máksán.

9 §

Bargoveaga bálvalusgaskavuodát

Oasussearvái sirdašuvvi Meahciráđdehusa doaimmain dán lága fápmui boadedettiin bargi olbmot sirdašuvvet oasussearvvi bálvalussii sullasaš bargui, mas sii ledje ovdal.

Mearreáigásaš doaimmaide váldovuvvon olbmot, geat dikšot oasussearvvi vuollásaš doaimmaid, sirdašuvvet oasussearvvi bálvalussii sullasaš mearreáigái.

Bargiide ja bargosoahpamuššii guoskevaš eavttuide dan oasussearvvi bargosoahpamuša vuollásaš doaimmas, masa bargi 1 momeantta vuodul sirdašuvvá, heivehuvvo, mii oasussearvvi čadni bargoeaktosoahpamušas ja bargosoahpamušas sohppojuvvo dahje mii lágas dahje dan vuodul mearriduvvo.

10 §

Fápmuibohtin

Dát láhka bohtá fápmui cuoŋománu 15. beaivve 2016.

Stáhtaráđdi oážžu juo ovdal dán lága fápmuibohtima dahkat 1 ja 2 §:s oavvilduvvon doaimbajuid. Dalle daidda heivehuvvo maiddái 7 §.

235/2016

Meahciráđdehus oážžu juo ovdal dán lága fápmuiboahtima dahkat 9 §:s oaivvilduvvon do-
aibmajuid.

Helssegis cuoŋománu 8. beaivve 2016

Dásseválldi Presideanta

Sauli Niinistö

Ealáhusministtar Olli Rehn